

VIDEO: Zauzimamo mjesto na plaži!? Novinarka HRT-a Dijana Buljak vrijeđala građane

24/08/2010 14:18 by Administrator

Urednica i voditeljica Dnevnika Hrvatske radiotelevizije, Dijana Buljak, uvrijedila je građane Bosne i Hercegovine kada je u Dnevniku 3, emitovanom 23. augusta, upitala gradonačelnika Omišja Ivana Karičića "koliki problem mu predstavljaju jednodnevni gosti iz BiH koji ništa ne troše, a zauzimaju mjesto na plaži." Ovim, novinarka sa dugogodišnjom karijerom, ne samo da je pokazala diskriminatorski odnos prema bh. građanima već je prekršila i sve etičke novinarske kodekse.

VIDEO:

www.youtube.com/watch

"Koliki vam problem, recimo u Omišu i općenito na južnom Jadranu, predstavljaju jednodnevni gosti koji se spuste iz Bosne Hercegovine, ništa ne troše, ne zauzimaju apartmane, a zapravo zauzimaju mjesto na plaži koje pritom nisu niti platili?", pitala je voditeljica Dnevnika svog gosta.

Gradonačelniku Karičiću je očitobilo neugodno nakon ovog pitanja, pa je zbunjeno započeo odgovor: "Moje mišljenje je da oni nisu tolika šteta za hrvatski turizam kako ih neki žele predstaviti. Naime, oni ipak nešto troše i plaćaju parkinga."

Postaviti ovakvo pitanje, u kojem novinar jasno izražava svoj stav i pri tome se odnosi diskriminatorski i ima predrasude prema jednom narodu, predstavlja kršenje etičkih novinarskih kodeksa, a to nam je potvrdila i Borka Rudić, predsjednica Udruženja BH novinari.

"To pitanje predstavlja diskriminatorski odnos prema građanima BiH i prema našim zakonima to je kršenje etičkog kodeksa, što je naravno kašnivo. Radi se o nekorektnom ponašanju i iako ne možemo govoriti o novinarskim zakonima Hrvatske, etički kodeksi su svugdje u svijetu isti i trebali bi važiti i u Hrvatskoj", istakla je Rudićeva za Sarajevo-x.com, dodajući da Regulatorna agencija za komunikacije BiH ne može ništa učiniti, s obzirom da se radi o mediju iz susjedne zemlje, ali Udruženje BH novinari može uputiti pismo u kojem će skrenuti pažnju na nekorektno ponašanje novinarkes Buljak.

Svakako, etički novinarski kodeksi važekako u ostatku svijeta, pa tako i u susjednoj Hrvatskoj. Naime, u samom Kodeksu časti hrvatskih novinara se navodi: "U svojem radu novinari su dužni braniti ljudska prava, dostojanstvo i slobodu, uvažavati pluralizam ideja i nazora, pridonositi jačanju pravne države i kao demokratski dio javnosti sudjelovati u kontroli nad djelovanjem vlasti i politike."

U Kodeksu časti se navodi i to da "u obavljanju svojeg posla i djelovanja novinar se mora rukovoditi općim načelima i etikom novinarskog poziva. Polazeći od načela da su u demokratskom društvu javna glasila slobodna, samostalna, istraživakaa i otvorena za različita mišljenja, novinar za svoj rad snosi odgovornost pred javnošću, zakonom i pred svojom profesionalnom organizacijom."

Da li je novinarka HRT-a Dijana Buljak poštovala Kodeks časti, prosudite sami! A, o tome koliko turisti iz BiH doprinose hrvatskom turizmu i zašto hrvatski mediji skoro nikada ne navode koliko je bh. građana posjetilo "lijepu njihovu" u ljetnoj sezoni â€“ drugi put.

Pokušali smo kontaktirati urednicu i voditeljicu Dnevnika Hrvatske radiotelevizije, Dijanu Buljak, međutim ona se ne javlja na mobitel. Ni uredništvo HRT-a nije željelo komentarisati izjavu novinarkes, a glasnogovornik HRT-a Danko

BLUSRCU.BA - Stranica za sve banjalučane sirom svijeta!

<http://blusrcu.ba>

Društvo istakao je kako je najbolje da Buljak izravno pojasni na šta je mislila kad je izgovorila to što je sinoć izgovorila.

Izvor vijesti: Sarajevo-x